

امور تحریریه ایچون فؤاد بکه
وامور اداره ایچون آرتین افندی به
مراجعت اولنور.

—

مسلمکمزده موافق آثار قبول اولنور.
درج اولنمیان اوراق اعاده اولنماز.

مجله ادبیات

اداره خانه سی باب عالی جاده سنده
۵۲ نومرولی « شرکت مرتابه »
مطبعه سیدر.

—

استانبول ایچون سنه ایکی مطبعه دن
آلغی شرطیله ۴۰ طشره لره پوسته
اجرتیله برابر ۶۰ غروشدر.

نسخه سی ۱ غروش

پنجشنبه کونلری نشر اولنور ادبی، فنی و صناعی غزته در

نسخه سی ۱ غروش

«دورقال»، «سانتاقرؤز» ده جمعاً ٢٥٠٠ خانہ بيقلمشدر .

اسپانيا قطعه سنده بود هشتلی زلزلاتك حس اولنمہ سی ايلك دفعه وقوع بولمہ يور . تاريخچه ليزبون حرکت ارضی ديه مشهور اولان زلزله عظيمك (١٧٥٥) سنه سنده اسپانيا وهورتكیزی ماتمخانه يه چويرديكي يوقاريده بيان اولنمش ایدی .

عصر حاضرده اسپانياده وقوعه کان زلزلات شونلردر :

(١٨٠٢) تاريخخنده «توره لاماتا» و «توره ويذا» حرکت ارضی ١٧ تشرین اولدن ٦ شباطه قدر دوام ايتمشدر؛ (١٨٠٤) سنه سنده دخی «مالاغا» دن «موتريل» قدر «غرناطه» ولايتك مواقع مختلفه سنده شدتلی زلزلات وقوع بولمشدر؛ (١٨٢٦) ده «غرناطه» ده نيساندن تموزه قدر قوتلی قوتلی صاللايشار حس اولنمشدر .

(مابعدی وار) محمد مسعود

— — — — —

تاريخ

«يهوديبار»

(مابعد)

بر آراق «ارض کنعان» ده سرزده ظهور اولان قحط و غلا حسیله یعقوب علیه السلامك اولادی ذخیره آلق ایچون مصره کلدیله . چونکه یوسف علیه السلام، مصرده ظهور قحطدن اولکی سنبلرده بر خیلی ذخیره ادخار ایتمش، محتاجینه توزیع ایتمکه بولنمش ایدی . تفصیلاتی تفاسیرده مسطور اولدینی اوزره حضرت یوسف (عم) برادرلرینی طانیوب ابراز حسن معاهله وکندی حقنه روا کورمش اولدقلری

حرکتدن دولای آلمری عفو ایلهدی . بونلر، مؤخرآ پدر مکرملری وقیله لری اهاالیسی ايله برلکده مصره کلرک اوراده آرامکزین اولدیلر .

•

بنی اسرائیل بوراده برزمانلر اکتساب قوت و مکنت ایتمش اولدقلری حالده یوسف علیه السلامدن صوکره مسند حکومته کان فراغه، حقلرنده برطاقم تعدیاتی روا کوردیلر . از جمله بونلردن بریسی پک ایلری واروب قبائل بنی اسرائیل آراسنده تولد ایدن بالعموم ارکک چو جو قورک در حال نیله آتیه رق اتلافی امر ایتدی . شو امرک حکمی انفاذ اولدینی بر صرده ایدی که «لوی» قبیله سی میانده «موسی علیه السلام» زیتساز کهواره وجود اولدی . جناب صانع حکیم نبی ذیشان مشارالیهک نبوتله بنی اسرائیله بعثتی ازاده تقدیر بیورمش اولدینغندن فرعونك امری حق و مشارالیهده جاری اوله مادقندن باشقه بالنفس کندی دائره سنده پرورشیا ب اوله سنه مساعده اولندی . [١٥٣٠ قبل المیلاد] .

حضرت موسی (عم)، سن سعادتلی قرقه رسیده اولدقده دائره فرعونی ترک ايله قبیله سی زدنیه عودت بیوردی . مؤخرآ بر مقتضای فرمان آلهی فرعونى وقیله سنی ایمانه دعوته مأمور اوله سیله مصره عودت لرنده نه صورتله ایفای مأموریت و اظهار مجزات بیوردقلری وبعده بنی اسرائیل ايله برابر صحرايه حین عودتده نهر نیلدن کچدکلری صرده فرعون ايله جنودینك نه یولده غرق وتلف اولدقلری ارباب مطالعهك معلومیدر . بو وقعده متعاقب موسی علیه السلام ايله قبیله سی خلقی قرق ییل صحرا نوردد اولدیلر . بو مدت ظرفنده ایدی که نبی مشارالیه حضرتلری «طور سیناده» مظهر انوار تجلیات ربانیه اوله رق تلقی ایلهدیکی احکام

الهییه (توارت شریفی) قومه تبلیغ بیوردی .

حضرت موسی (عم) ارتحال داربقا بیوردقندن صوکره قومى، حضرت «یوشع» ك تحت ریاستنده اوله رق ارض فلسطینه کلدیله؛ محاربات میددندن صوکره بورالری کاملاً ضبط واستیلا یله دیلر . لکن حضرت «یوشع» ك وفاتندن صوکره «مذروپوتامیا» حکممداری «شام» مغلوب اولدیلر و تام اون سکر سنه مدت بونك زیر تغلبنده قالدیلر .

بنی اسرائیل شو محکومیتدن تخلص کر بیان ایدوبده بر حیات تازده نائل اولدقلری زمان قوانین الهیهیه اتباعده مبالا تسزلغه باشلایوب نهایت ایشی اصنامه پرستش درجه سنه قدر وار دیردیله . شو حرکتلری بش عصر ظرفنده یدى دفعه تکرر ایدوب هر دفعه سندهده بیوک بیوک نکبت و فلاتکتره اوغرا دلق صورتیله مستحق عتاب رب العالمین اولدیلر . جزای عمللری اولق اوزره بویه یکدیگرینی متعاقب دوچار اولدقلری مصائبدن متنبه اولق ایستین اقوام یهود، آرتق حسن حرکتیه قرار ویزه رك، کندیلرینی حسن ادارهیه مقتدر بر رئیس انتخاب ایتمه سنی «اشعویل» (عم) دن رجا و نیاز ایتدیلر . مشارالیه «بنیامین» اولادینك اکبر واعقلی اولان «شابل» نام دیگرله «طالوت» ی انتخاب ایتدی [١٧٠٩ قبل المیلاد] که حضرت داود (عم) مؤخرآ بوذاته خلف اولمشدر .

نبی ذیشان مشارالیه نبوتله سلطنتی داننده جمع ایدرهك زمان عالیسنده «قدس شریف» مرکز حکومت اتخاذ اولنمش و هر طرفده احکام جليلة الهیه مرعی الاجرا بولنمش ایدی .

(مابعدی وار)

— — — — —